



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of traffic  
Road Directorate

Broj: 04(01)-04-40137-19/21/21  
Sarajevo, 31.12.2021. godine

**KANTON SARAJEVO**  
**SKUPŠTINA KANTONA SARAJEVO**  
N/r Predsjedavajućeg Skupštine Kantona

**Predmet: Odgovor na zastupničku inicijativu - dostavlja se**

Zastupnica Amra Junuzović Kaljić, na 44. Radnoj sjednici Skupštine Kantona Sarajevo održanoj dana 17.11.2021. godine u okviru tačke dnevnog reda: "Poslanička pitanja, inicijative i odgovori" pokrenuo je sljedeću

**Inicijativu:**

1. Da Vlada Kantona Sarajevo u saradnji sa Ministarstvom komunalne privrede, infrastrukture, prostornog uređenja, građenja i zaštite okoliša, Kantonalnom upravom Civilne zaštite, Direkcijom za puteve Kantona Sarajevo, KJKP „Park“ d.o.o. i Profesionalnom vatrogasnom brigadom Kantona Sarajevo poduzme potrebne aktivnosti kako bi se na lokalitetu Stupske petlje postojeći jarboli / stubovi reparirali, te postavile zastave Bosne i Hercegovine i Kantona Sarajevo.
2. Da Direkcija za puteve Kantona Sarajevo obezbijedi potrebna novčana sredstva za inicijalnu reparaciju stubova, provjeru statike, eventualno učvršćivanje premazivanje antikorozivnim zaštitnim sredstvom, montažu elemenata za kačenje, spuštanje i dizanje zastave, nabavku čeličnih užadi, koturova i kočnica za koturove, te nakon toga predmetne stubove uz saglasnost o preuzimanju na redovno održavanje preda Ministarstvu komunalne privrede, prostornog uređenja, građenja i zaštite okoliša.
3. Da Ministarstvo komunalne privrede, prostornog uređenja, građenja i zaštite okoliša obezbijedi sredstva za redovno održavanje do kraja tekuće godine, te isto pripremi i u Budžetu Kantona Sarajevo za 2022. godinu.
4. Da Ministarstvo komunalne privrede, prostornog uređenja, građenja i zaštite okoliša u saradnji sa KJKP „Park“ d.o.o. pripremi plan održavanja, pranja i zamjene zastava, redovne provjere statike i periodičnog obnavljanja antikorozivnog premaza, pregled, podmazivanje i reparaciju elemenata za kačenje, podizanje i spuštanje zastava.
5. Da Profesionalna vatrogasna brigada Kantona Sarajevo pruži svu potrebnu tehničku pomoć i podršku za realizaciju predmetnih aktivnosti. 6. da se sve navedene aktivnosti realizuju zaključeno sa 23.11.2021. godine, kako bi se zastave simbolično podižle na Dan državnosti Bosne i Hercegovine 25.11.2021.godine.

**Odgovor:**

Stupska petlja i saobraćajnice koje se ukrštaju na istoj (M17 i M18) su u izvornoj nadležnosti JP Ceste FBiH d.o.o. Sarajevo. Direkcija za puteve Kantona Sarajevo je preuzela dio tih saobraćajnica na održavanje, u ovom slučaju dio koji prolazi ispod Stupske petlje tzv. gradski prsten.



web: <http://ms.ks.gov.ba>  
e-mail: [dp@dp.ks.gov.ba](mailto:dp@dp.ks.gov.ba)  
Tel: + 387 (0) 33 560-402, Fax: + 387 (0) 33 560-426  
Sarajevo, Hamida Dizdara br. 1



Prema Zakonu o cestama, javnu cestu čine: cestovna građevina (posteljica, donji stroj kolovoza, kolovozna konstrukcija, most, vijadukt, podvožnjak, nadvožnjak, propust, tunel, galerija, potporni i obloženi zid, nasip, pothodnik i nathodnik), građevine za odvodnju ceste i pročišćavanje vode, cestovni pojas s obiju strana ceste potreban za nesmetano održavanje širine prema projektu ceste, a najmanje jedan metar računajući od crte koja spaja krajnje tačke poprečnog profila ceste, zračni prostor iznad kolovoza u visini 7 m, cestovno zemljište koje čini površina zemljišta na kojoj prema projektu treba izgraditi ili je izgrađena cestovna građevina, površina cestovnog pojasa, te površina zemljišta na kojima su prema projektu ceste izgrađene ili se trebaju izgraditi građevine za potrebe održavanja ceste i pružanja usluga vozačima i putnicima, te naplatu cestarine predviđeni projektom ceste (objekti za održavanje cesta, upravljanje i nadzor saobraćaja, naplatu cestarine, benzinske pumpe, servisi, autobusna stajališta, parkirališta, odmorišta itd.), građevine na cestovnom zemljištu, za potrebe održavanja ceste (cestarske kuće, punktovi i stacionari) i pružanja usluga vozačima i putnicima, te naplatu cestarine, predviđene projektom ceste, stabilni mjerni objekti i uređaji za nadzor vozila, priključci na javnu cestu izgrađeni na cestovnom zemljištu, saobraćajni znakovi i uređaji za nadzor i sigurno vođenje saobraćaja i oprema ceste (horizontalna i vertikalna saobraćajna signalizacija, svjetlosno signalni uređaji, telekomunikacijski stabilni uređaji, instalacije i rasvjeta u funkciji saobraćaja, cestovne značke, detektori-brojači saobraćaja, instalacije, uređaji i oprema u tunelima, oprema parkirališta, odmorišta i slično), mjerne vage i objekti za vaganje i kontrolu saobraćaja, građevine i oprema za zaštitu ceste, saobraćaja i okoliša (snjegobrani, vjetrobrani, zaštita od obrušavanja i nanosa materijala, zaštitne i sigurnosne ograde, smjerokazi i kilometarske oznake, odbojnici, zaštita od buke i drugih štetnih utjecaja na okoliš i slično).

Predmetni jarboli niti se nalaze u putnom pojasu niti čine dio putne i saobraćajne opreme puta, te shodno tome nemamo zakonski osnov ni mogućnost da izvršimo traženo.

S poštovanjem,



[ O R

l.ing.saob.

**Dostaviti:**

- Naslovu
- Stručna služba Vlade Kantona Sarajevo
- Ministarstvo saobraćaja Kantona Sarajevo, R. Dž. Čauševića 1 (na znanje)
- Evidencija
- a/



web: <http://ms.ks.gov.ba>  
e-mail: [dp@dp.ks.gov.ba](mailto:dp@dp.ks.gov.ba)  
Tel: + 387 (0) 33 560-402, Fax: + 387 (0) 33 560-426  
Sarajevo, Hamida Dizdara br. 1

